

ԳԻՆԸ 10 Կ.

Հասցեավորում և

Ի Տ. Ներքդարձ ժողկոմի Արտ. վարդանյան
վարչ. վարչ Գետ

№ 46

19 հունիսի 1928

ՅԵՐԵՎԱՆ

ԿԱՆՈՆԱԴՐՈՒԹՅՈՒՆ

Հ. Ս. Խ. Հ.

ԿԵՆԴԱՆԻՆԵՐԻՆ ՀՈՎԱՆԱՎՈՐՈՂ ԸՆԿԵՐՈՒԹՅԱՆ



ՅԵՐԵՎԱՆ

1929 թ.

ՏՊԱՐԱՆ ՀԵՐՄԵՍ
ՀՐԱՏԱՐԱԿԳՈՒԹՅԱՆ,
ՄԱՐԲՍԻ ՓՈՂ. № 29
ԳՐԱԴԱՐԱՆ. № 1776բ.
ՏԻՐԱԺ 1000

Կ Ա Ն Ո Ն Ա Դ Ր Ո Ւ Թ Յ Ո Ւ Ն

ՀՍԽՀ ԿԵՆԴՐԱՆՆԵՐԻՆ ՀՈՎԱՆԱՎՈՐՈՂ ԸՆԿԵՐՈՒԹՅԱՆ

Ա. Ն ա պ ա Տ ա կ ր

1. Կենդանիներին հովանավորող ընկերության նպատակն է. —

ա. Հայաստանի հանրապետության սահմաններում պաշտպանել կենդանիներին անողորմ վերաբերմունքից:

բ. Գործ զննել բոլոր միջոցները կենդանիների գրությունը բարելավելու համար:

2. Այս նպատակներին հասնելու համար ընկերությունն և իր անդամները նախազգուշացնելու յեն և, ըստ հնարավորության, վերացնելու այն դաժան վերաբերմունքն և ի չարը գործադրվող միջոցները, վորոնք տեղի յեն ունենում տերերի և վոչ-տերերի կողմից կենդանիների վերաբերմամբ. այն է՝

ա. Կենդանիներին չզրկել նրանց գոյությունը պահպանելու անհրաժեշտ միջոցներից՝ կերից և ջրից:

բ. Նրանց հիվանդանալու դեպքում հասցնել բժշկական ոգնություն:

գ. Չաշխատեցնել նրանց իրենց ուժերից վեր և չբեռնել նրանց իրենց բնական ուժերից բարձր:

դ. Նրանց մորթելու ժամանակ չվերաբերվել անողորմ:

1008
37431

յե. Չըչարչարել նրանց հաճույքի համար ե չկը-
վեցնել նրանց իրար հետ:

Վերոհիշյալ հանգամանքների համար ընկերու-
թյան անդամները հսկողութիւն են ունենալու կառա-
պանների, ախուսպանների, ուղտապանների, կարա-
վանների տերերի, քարվանսարա պահողների, սայլա-
պանների և այլ պետական ու հասարակական հիմնարկ-
ձեռնարկների և մասնավոր անձանց ու բոլոր այն
առևտրա-արդյունաբերական հիմնարկների վրա, վո-
րոնք ոգտազործում են կենդանիներին իրրե փոխա-
դրութեան և սննդամատակարարման միջոց:

Բ. Իրավունքները յեվ պարտականութիւնները

3. Ընկերութեան յուրաքանչյուր անդամ, յերբ
նկատում ե անողորմ վարմունք դեպի կենդանիները,
անմիջապես կազմում ե արձանագրութիւն, ստորա-
գրում ե ինքն և ստորագրել ե տալիս վորեւ Վկայի-
բացի այդ՝ յեթե ներկա յե միլիցիայի ներկայացու-
ցիչը՝ նրան և ուղարկում ե համապատասխան մարմին-
ներին ի պատշաճ տնորինութիւն:

4. Ընկերութեան իր նպատակին հասնելու հա-
մար՝

ա. Կազմակերպում ե խորհրդակցութիւն, թե
ինչպես բարեկամ կենդանիների կենցաղը:

բ. Իր խորհուրդներով ու ցուցմունքներով մշտ-
ցնում ե սպանդանոցի մեջ կենդանիները մորթելու
ամելի բարելավ յեղանակներ:

գ. Պետական ու հասարակական հիմնարկութիւն-
ների միջոցով, այն ե՝ կին-բաժինների, դպրոցների,

դպրոցի ու հոգեբանների և այլն, ներշնչում ե մարդկանց
մեջ սեր և խանդավառանք դեպի կենդանիները, վո-
րիսի նպատակի համար ընկերութեանը հրատարա-
կում ե ե ձրի տարածում ժողովրդի մեջ այդ ուղղու-
թեամբ դրականութիւն, ինչպիս՝

1. Ուսումնասիրութիւն կենդանիների կենցաղի
ու նրանց հոգեբանութեան մասին:

2. Նրանց մարմնակազմութեան ու ճաման մասին:

3. Նրանց հիվանդութեան ու բժշկութեան մասին և

4. Փոքրիկ վեպիկներ ու պատմվածքներ նրանց
կյանքի:

դ. Տալիս ե մրցանակ կառապաններին, սայլա-
պաններին, հովիւներին, դարբիններին և այն բոլոր
անձանց, վորոնք լավ վերաբերմունք են ցույց տալիս
դեպի կենդանիները, նույնպիս և միլիցիոներներին՝
նրանց սույն կանոնադրութեան կետերի իրագործման
ջերմ աջակցութեան համար:

5. Որինական աջակցութիւն ստանալու համար
ընկերութեանը դիմում ե պետական հաստատութիւն-
ներին և պաշտոնական անձանց, ներկայացնելով նը-
րանց Հոգժողովմատի հետ համաձայնեցրած իր ծրա-
դիրը, թե ինչ միջոցներով կարելի յե կենդանիներին
պաշտպանել վատ վերաբերմունքից նրանց տերերի և
վոչ-տերերի կողմից, այլ և ներկայացնելով Հոգժող-
կումատի միջոցով՝ որինսդրական մարմիններին նախա-
գծեր հանցավորներին քրեական և վարչական պա-
տասխանատվութեան յենթարկելու:

6. Ընկերութեան իրավաբանական անձ ե և ու-
նի իր կնիքը հետևյալ վերատառութեամբ՝ «ՀՍԽՀ Կենդա-
նիներին Հովանավորող Ընկերութիւն» կամ կրճատ

«Հայկենդհով», իսկ ոռոսերին „О во Покровитель-
ства животным ССРАрм.“ կամ կրճատ՝ „Айкентов“:

7. Ընկերությունն իր նպատակն իրագործելու համար իրավունք ունի Հայաստանի Հանրապետու-
թյան սահմաններում բաց անելու իր բաժանմունքները:

8. Ընկերությունն իր միջոցներն ընդարձակելու համար իրավունք ունի կազմակերպելու՝ ղրոսանքներ, համերգներ, յերեկույթներ, ցերեկույթներ, վիճակա-
խաղեր, ներկայացումներ, հրատարակություններ ե այլն:

9. Ընկերության կենտրոնական վարչությունը գտնվում է Յերևան քաղաքում:

10. Ընկերությունն իր գործունեությունն ընդ-
լայնացնելու համար կազմակերպում է աշակերտա-
կան ուսանողական, պատանեկական խմբակներ կամ
ընկերակցություններ:

11. Միլիցիայի բոլոր անդամները, առանց ան-
դամակցական վճարի, համարվում են ընկերության
իսկական անդամ:

12. Ընկերության անդամ կարող են լինել Հա-
յաստանի բոլոր Հափահաս քաղաքացիներն և քաղա-
քացուհիները, վորոնք ընտրողական իրավունքից
զրկված չեն:

13. Ընկերության անդամների թիվը չի սահմա-
նափակվում:

14. Ընկերության իսկական անդամների անդա-
մակցական տարեկան վճարն է 2 ոռուրի:

ԾԱՆՈԹ.— Ընդհանուր ժողովն իրավասու չի փոխելու ան-
դամվճարի չափը:

15. Ընկերության անդամները մասնակցում են
ընկերության բոլոր ընդհանուր ժողովներին ընտրելու
և ընտրվելու իրավունքով:

ԾԱՆՈԹ.— Յուրաքանչյուր անդամ ունի միայն մի ձայնի
իրավունք և գործադրում է այդ իրավունքը անմի-
ջաբար, առանց ուրիշին փոխանցելու:

16. Ընկերության յուրաքանչյուր անդամ. իրա-
վադոր ե՛ ա. Հայաստանի հանրապետության սահ-
մաններում միշտ և ամենուրեք պաշտպանելու կեն-
դանիններին Հարչարանքից, տանջանքից, նրանց հետ
տերերի և վոչ-տերերի կողմից կոպիտ վերաբերմուն-
քից. ընկերության անդամն անձնապես անդոր լինե-
լու դեպքում դիմում է իշխանության անմիջական ա-
ջակցության:

17. Ընկերության յուրաքանչյուր անդամ ստա-
նում է ընկերության տոմս, վոր նա Հայաստանի հան-
րապետության կենդանիններին հովանավորող ընկերու-
թյան անդամ է, վորպիսի տոմսը նրան տրվում է ըն-
կերության վարչության նախագահի և քարտուղարի
ստորագրությամբ, վավերացրած ընկերության կնիքով:

18. Ընկերության անդամներն բաժանում
է կրծքին կրելու ժետոն:

19. Ընկերության անդամին տրված տոմսը ծա-
ռայում է նրա համար իբրև վկայական այն դեպքում՝
յերբ կարիք է լինում դիմելու միլիցիայի աջակցու-
թյան, կենդանինների պաշտպանելու համար:

20. Ընկերության անդամը, յիթե վեց ամսվա
ընթացքում մուծած չի լինում իր անդամակցական
վճարը՝ համարվում է ընկերության անդամակցությու-
նից հեռացված:

ԾԱՆՈԹ.— Հեռացված անդամը կբող է իր իրավունքնե-
րը վերականգնել՝ անդամակցական վճարը մուծելուց
հետո, վարչության տնօրինությամբ:

21. Ընկերության հաշվետու տարին հաշվվում է
հունվարից-հունվար:

ԾԱՆՈԹ.— Ընկերության առաջին վոչ-լրել տարին հա-
մարվում է լրել տարի:

Գ. Վ ա Ր Հ Ո Ւ Թ Յ Ո Ւ Ն

22. ա. Ընկերության գործերը վարում է ընդհանուր ժողովի կողմից ընտրված վարչությունը, վորը կազմված է լինում 5 անդամից և յերկու փոխանդամից:

բ. վարչությունն ընտրում է իր միջից մի նախագահ, մի փոխնախագահ, մի քարտուղար և մի գանձապահ:

23. Վարչությունն ընտրվում է մեկ տարի ժամանակով:

24. Վարչության անդամ ընտրված համարվում է այն 5 անձը, վորոնք ստանում են ավելի ձայն, իսկ նրանցից պակաս ձայն ստացողները համարվում են փոխանդամներ:

25. Վարչության նախագահը հսկում է ընկերության կանոնադրության ճշգրիտ կատարման և կիրառման վրա, բաց է անում և փակում է վարչական նիստերը:

ԾԱՆՈԹ.— Մասնագիտական հարցեր քննելիս ու վճռելիս՝ վարչությունը կարող է հրավիրել իրազեկ (մասնագետ) անձեր խորհրդակցական ձայնի իրավունքով:

26. Վարչության քարտուղար-անդամը վարում է ընկերության բոլոր գրազրույթյուններն ու գործավարությունը:

27. Վարչության գանձապահ-անդամը վարում է ընկերության հաշվետվությունն ու դրամական գործերը:

ԾԱՆՈԹ.— ա. Ընկերության միջոցները, բացի ընթացիկ ծախսերի համար հատկացրած գումարներից, ի պահ են տրվում պետական բանկը, կամ խնայողական դրամարկղը:

բ. Բանկից գումարներ զուրս բերելու համար չեկը ստորագրում են նախագահը կամ փոխնախագահն և մյուս անդամներից մեկը:

28. Վարչության նիստերը կարող են կայանալ յերբ ներկա չեն նախագահը կամ փոխնախագահն և վարչության յերկու անդամը:

29. Որակարգի բոլոր խնդիրները վճռվում են ձայների պարզ մեծամասնությամբ:

30. Վարչության նիստերը լինում են ամիսը մեկ անգամից վոչ պակաս:

ԾԱՆՈԹ.— Այդ նիստերին մասնակցել կարող են ճյուղերի ներկայացուցիչները խորհրդակցական ձայնի իրավունքով, ինչպես և ներկա կարող են լինել ընկերության բոլոր անդամները:

31. Ընդհանուր ժողով հրավիրվում է վարչության կողմից տարին վոչ պակաս քան 2 անգամ:

ԾԱՆՈԹ.— Ընդհանուր ժողով վարչությունը հրավիրում է և ընկերության 15 անդամի դրավոր պահանջով:

32. Ընդհանուր ժողովում հարցերը վորոշվում են ձայների բացարձակ մեծամասնությամբ, բաց քվեյարկությամբ:

33. Հերթական ընդհանուր ժողովը նշանակվում է՝ ա. Վարչության վորոշումների յեզրափակման համար:

բ. Նայելու և հաստատելու վարչության ներկայացրած առաջիկա տարվա նախահաշիվը:

գ. Քննելու և հաստատելու՝ 1. վարչության կողմից ներկայացված կանոնները, 2. նրա տարեկան հաշվետվությունն ու գործավարությունը, 3. վարչության կողմից անդամներին տրված հրահանգներն և 4. սույն կանոնադրության փոփոխման համար առաջարկված հավելումներն ու հապավումները:

34. Կանոնադրութեան փոփոխութեան իրավունքը վերապահվում է ընկերութեան ընդհանուր ժողովի վորոշման՝ ժողովի ներկա յեղողների ձայնի $\frac{2}{3}$ մասով:

35. Վարչութիւնը պարբերական ընդհանուր ժողովին ներկայացնում է ի հաստատութիւն ընկերութեան տարեկան տեղեկագիրն իր գործունեութեան մասին:

36. Ընդհանուր ժողովը համարվում է որինական, յերբ ներկա յ լինում Յերեսնում գտնվող ընկերութեան անդամների $\frac{1}{5}$ մասը:

ԾԱՆՈԹ.— Յեթն ընկերութեան անդամների սակավութեան պատճառով ընդհանուր ժողովը չկայանա՝ այդ մասին կազմվում է արձանագրութիւն վարչութեան նախագահի և քարտուղիների կողմից, ապա մեկ շաբաթից հետո հրավիրվում է յերկրորդ ընդհանուր ժողովը, վերջը, անկախ անդամների թվից, կհամարվի որինական:

Դ. Վերաստուգիչ հանձնաժողով

37. Վարչութեան հաշիվները ստուգելու և նրա գործունեութիւնը քննելու համար ընդհանուր ժողովի կողմից ընտրվում է 3 հոգուց կազմված հանձնաժողով, իր մեկ փոխանդամով, մեկ տարի ժամանակով:

38. Վերաստուգիչ հանձնաժողովը ստուգում է ընկերութեան հաշիվները տարեկան վոչ պակաս, քան յերեք անգամ:

39. Վերաստուգիչ հանձնաժողովը ընկերութեան տարեկան ընդհանուր ժողովին գրավոր զեկուցում է ներկայացնում վարչութեան հաշիվների ու նրա գործունեութեան մասին:

ՅԵ. Նյութական միջոցները

40. Ընկերութեան նյութական միջոցները կազմում են՝

ա. Ընկերութեան անդամների տարեկան և միանվագ անդամակցական վճարները:

բ. Ստացված նվերները:

գ. Ընկերութեան ձեռնարկած հանդեսների, հրատարակութիւնների արդյունքն, այլև

դ. Կառավարական ու հասարակական հիմնարկութիւններից ստացված ոժանդակութիւնն և այլն:

Զ. Լ Ի Ն Դ Մ Ի Բ

41. Ընկերութեան լուծարքի յենթարկվելու հարցը առաջարկում է իր նախաձեռնութեամբ ընդհանուր ժողովին կամ ինքը վարչութիւնը, կամ ընկերութեան 25 անդամի ներկայացրած գրավոր առաջարկութեամբ իր՝ վարչութեան միջոցով:

42. Ընկերութիւնը լուծարքի յենթարկելու համար անհրաժեշտ է Յերեսնում գտնվող անդամների $\frac{1}{5}$ մասը և ներկա յեղողների $\frac{3}{4}$ ձայնը:

43. Ընկերութեան լուծարքի յենթարկվելու դեպքում՝ նրա բոլոր ինչքն անց է կենում ՀՍԽՀ Հողժողկոմատին:

44. Ընկերութիւնը լուծարքի կարող է յենթարկվել նույնպես համապատասխան վերադաս մարմինների վորոշմամբ:

ՀԻՄՆԱԴԻՐ ԱՆԴԱՄՆԵՐ

1. ~~Արմենակ Մալխասյան~~
2. Արմենակ Մալխասյան
3. Արտաշես Վարդանյան
4. Պառլինա Մալխասյան
5. Մարգարիտ Միրզա Ավագյան
6. Հարություն Միրզա-Ավագյան
7. Խուրշուդ Մելիք-Փարսադանյան
8. Ստեփան Մալխասյան
9. Հովհաննես Մալխասյան
10. ~~Արմենակ Մալխասյան~~
11. Եմին Տեր-Գրիգորյան
12. Տիգրան Քալանթար
13. Կոստանդին Մելիք-Շահնազարյան
14. Լևոն Գրիգորյան
15. Բարդուղիմեոս Ոհանջանյան
16. Տարագրոս
17. Յերվանդ Թադիանոսյան
18. Վարդան Թորոսյան
19. Հակոբ Մաղաթյան
20. Արտաշես Տեր-Աբրահամյան
21. Սամվել Պետրոսյան
22. Լևոն Նազարեթյան

Իսկականի հետ ճիշտ է.

ՀՍԽՀ Կենդ. Հովանավորող Ընկերության
քարտուղար՝ ՏԱՐԱԳՐՈՍ

ՀՀ Ազգային գրադարան



NL0301105

21. 294